



Broj: A-535/24

Bihać, 28.06.2024. godine

MM/ZŠR

Na osnovu člana 64. stav 1. tačka b), člana 70. i člana 89. Zakona o javnim nabavkama BiH («Službeni glasnik BiH», broj 39/14 i 59/22), na preporuku Komisije za javnu nabavku broj: A-535/24 od 28.06.2024. godine, v.d. glavne kantonalne tužiteljice d o n o s i:

ODLUKU

o izboru najpovoljnijeg ponuđača

Član 1.

Prihvata se preporuka Komisije za javnu nabavku izražena u Zapisniku o ocjeni ponuda broj: A-535/24 od 28.06.2024. godine i Ugovor o nabavci roba – uredska oprema - printeri i multifunkcionalni uređaj za potrebe Kantonalnog tužilaštva USK se dodjeljuje ponuđaču PRINTEX d.o.o. Sarajevo, , za ponuđenu cijenu prema tenderskoj specifikaciji roba u skladu sa ponuđenom cijenom nakon održane e-aukcije u iznosu od 19.900,00 KM bez PDV-a.

Član 2.

Izabrani ponuđač koji je nakon e-aukcije odabran kao najpovoljniji dužan je po prijemu ove odluke dostaviti novi obrazac za cijenu ponude koji će odražavati smanjenu cijenu iz e-aukcije, kao i ostale dokaze o ispunjavanju uslova tražene tenderskom dokumentacijom u postupku po konkurentskom zahtjevu za dostavu ponude u roku od 5 (pet) dana od dana zaprimanja obavještenja o rezultatima ovog postupka javne nabavke.

Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke shodno članu 71. stav 2. Zakona o javnim nabavkama BiH.

O b r a z l o ž e n j e

Postupak javne nabavke roba – uredske opreme – nabavka printera i multifunkcionalnog uređaja za potrebe Kantonalnog tužilaštva USK, pokrenut je Odlukom o pokretanju javne nabavke broj: A-535/24 od 11.06.2024. godine. Ugovorni organ je predvidio zaključenje Ugovora sa ponuđačem koji dostavi najnižu cijenu tehnički zadovoljavajuće ponude, a prema tehničkoj specifikaciji iz tenderske dokumentacije.

Javna nabavka je provedena putem konkurentskog zahtjeva za dostavljanje ponuda. Procijenjena vrijednost javne nabavke je 23.500,00 KM bez PDV-a. Predmet javne nabavke iz člana 1. ove Odluke, predviđen je Planom nabavki Kantonalnog tužilaštva Unsko-sanskog kantona za 2024. godinu broj: A-340/24 od 09.04.2024.godine i A-340-1/24 od 05.06.2024. godine – a) robe - redni broj: 9 - JRJN 30121000-6.

Obavještenje o nabavci broj: 1092-7-1-7-3-9/24 dostavljeno je na objavu dana 13.06.2024. godine. Radi provođenja postupka javne nabavke imenovana je Komisija rješenjem v.d. glavne kantonalne tužiteljice broj: A-535/24 od 12.06.2024. godine. Ugovorni organ je putem Komisije proveo postupak prikupljanja ponuda, kao i ostale aktivnosti vezano za nabavku a u skladu sa odredbama Zakona o javnim nabavkama BiH.

Predmetna nabavka će biti finansirana iz budžetskih sredstava Kantonalnog tužilaštva USK Bihać za 2024. godinu, a izdaci za nabavku će se evidentirati na ekonomskom kodu 821300.

Shodno odredbi člana 64. Zakona o javnim nabavkama BiH kriterij za dodjelu ugovora po konkurentskom zahtjevu je najniža cijena tehnički zadovoljavajuće ponude.

Nakon isteka roka za dostavljanje ponuda evidentirano je da je u roku pristiglo 5 ponuda i to:

1. A-535/24 br. 1. - SYSTEM ONE d.o.o. Sarajevo – brzom poštom - 19.06.2024. - 11:25 h
2. A-535/24 br. 2. – EMADO d.o.o. Sarajevo - brzom poštom - 20.06.2024. - 08:45 h
3. A-535/24 br. 3. - PR MEDIA MARKET Prijedor - brzom poštom - 21.06.2024. – 10:10 h
4. A-535/24 br. 4. - PRINTEX d.o.o. Sarajevo – brzom poštom – 24.06.2024. – 11:15 h
5. A-535/24 br. 5. - UNIVERZALNO d.o.o. Sarajevo – brzom poštom- 24.06.2024.–08:55 h

Komisija za javnu nabavku je blagovremeno i pravilno izvršila otvaranje ponuda i ocjenu prispijelih ponuda, te utvrdila da su ponude gore navedenih ponuđača formalno uredne, odnosno sadrže svu traženu dokumentaciju, nakon čega je zakazala e-aukciju za dan 28.06.2024. godine u 12:00 sati.

Predviđeno trajanje e-aukcije je bilo 10 minuta. Nakon završetka e-aukcije po izvještaju o toku i završetku e-aukcije broj postupka: 1092-7-1-7-3-9/24 od 28.06.2024. godine u 13:42 h, utvrđeno je da je bilo podnošenja ponuda od strane tri ponuđača.

Komisija je potom utvrdila konačnu rang listu ponuđača koji su učestvovali u e-aukciji kako slijedi:

R. br.	Naziv ponuđača	IDB/JIB	Konačna cijena u KM bez PDV-a	Umanjenje cijene	Rang
1.	PRINTEX d.o.o. Sarajevo	4200597450005	19.900,00	15,17%	1
2.	PR MEDIA MARKET Prijedor	4507704190001	19.950,00	15,11%	2
3.	UNIVERZALNO d.o.o. Sarajevo	4201699570001	20.949,10	10,78%	3
4.	SYSTEM ONE d.o.o. Sarajevo	4201339960003	23.200,00	0%	4
5.	EMADO d.o.o. Sarajevo	4201929330005	23.300,00	0%	5

S obzirom na naprijed navedeno Komisija za javnu nabavku je dala preporuku da se ugovor zaključi sa ponuđačem **PRINTEX d.o.o. Sarajevo** u postupku javne nabavke roba – uredska oprema – nabavka printera i multifunkcionalnog uređaja za potrebe Kantonalnog tužilaštva USK, jer je navedeni ponuđač ponudio najnižu cijenu tehnički zadovoljavajuće ponude u iznosu od **19.900,00 KM bez PDV-a**.

Sastavni dio ove odluke je izvještaj o toku i završetku e-aukcije broj postupka: 1092-7-1-7-3-9/24 od 28.06.2024. godine u 12:24 h.

POUKA O PRAVNOM LIJEKU:

Protiv ove Odluke može se izjaviti žalba najkasnije u roku od 5 (pet) dana od dana prijema ove odluke, a u skladu sa čl. 99. i čl. 101.

Zakona o javnim nabavkama BiH.

VD GLAVNE KANTONALNE TUŽITELJICE

mr. sci. Merima Mešanović



Dostaviti:

1. Ponuđačima
2. Računovodstvu
3. IKT službeniku
4. a/a